

四庫全書

集部

欽定四庫全書

佩韋齋集卷五

宋 俞德鄰 撰

律詩

送劉伯宣尹松江府五首

來往燕鴻異道遙
鵬鷃同古交
千載上餘論
六經中瓜
渚茅檐月蕪城柳岸風
寸心談未了
權去莫忽忽
宦途昏抹漆
達士久悲絲
汲直世多忌
父清人不知
隆汙俱合道
行止要隨時
富貴真槐蟻
千年看鼎彝

兵燹三年久瘡痍百姓同政須隨日化心要與天通刻
木難期對屯膏施易窮松江三萬頃孟水愛任公

事叢緣網密意廣忌才疎浩浩皇風遠遲遲化日舒俗
移三紀後德洽百年餘摘伏非仁政生民本一初
烹鮮知政理履齋識民心土壤分南北詩書亘古今遐
方猶戰伐癘老正呻吟三尺焦桐在煩公發至音

次韻崔郎中遊西湖

萬頃湖光一葦杭畫橋橫接舊堤長松環九里煙雲濕

梅壓孤山水月香
梵宇琳宮增突兀
銅駝金谷自淒涼
悲吟一夜頭添雪
慚愧崔鴻在洛陽

范仲山以礪谷居自號為賦二首

山林朝市兩相忘
寂寂幽居興味長
雨過竹侵書帙淨
風輕花落硯池香
三杯卯酒醒未醒
一枕午窻涼更涼
人境結廬元不俗
淵明何必定柴桑

丘壑中間著幼輿
何如此地卜幽居
碁聲夜靜客飲酒
花影晝閒闕讀書
塵世覆蕉多得鹿
癡人緣木更求魚

先生夢覺渾無事一笑浮雲指太虛

山房遣興

三徑嵐煙護碧苔地無高下總栽梅花隨流水繞除去
雲共好山排闥來月冷蛙聲誼鼓吹風清蜃氣聳樓臺
過逢况有侯芭在白首玄經未足咍

遊靈巖

躡石捫蘿一徑通凭闌極目思無窮川明竹樹蕭疎外
人語煙雲杳靄中風月五湖西子舸樓臺千古梵王宮

艱難隱遁尋幽憩語無人憶贊公

次韻趙提舉二首

白首玄經病子雲感時懷舊獨霑巾
千年戰伐多新鬼四海逢迎少故人
上苑鶯花非昔日曲江蒲柳為誰春
湧金香酒甜如蜜滿眼闕來不厭頻

寂歷謀生後計然已將窮達付蒼天
狙公枉自計朝暮徐邈但知中聖賢
歲月催人如過隙功名隨世任先鞭
紛紛燕雀驚鷹隼誰識圖真在左綿

山林樂四首

山林何所樂忽忽遂忘歸江濶天低水山深霧濕衣青
蟲當戶織白鳥背人飛野性因留滯非干與世違

山林何所樂佳興四時同琴罷庭留月酒殘松度風鶴
歸蒼漢外猿叫碧蘿中却笑磻溪叟區區理釣筒

山林何所樂所樂在琴書醉買中山酒遊乘下澤車結
交忘鹿豕分席混樵漁何必桃源路方為隱者居

山林何所樂幽處兩三家曲徑新移竹疎籬舊著花嵐

煙千嶂合野水一橋斜誰道無音樂漁陽有摻撾

淮楚絕無行樂地萬柳池邊有開元小寺稍潔

因載酒約淮上翁荀桂叔林紹先諸友同遊

柳外澄波繫小槎玉皇宮畔梵王家蟻浮臘味杯行酒
鶴避晴煙竈煮茶客裏招邀慙草色座中霑洽笑蘭闌
杖藜歸路西風晚一抹寒林萬點鴉

次韻夏楚村登山陽故城有感

金粟松摧故國荒春秋未作歎詩亡十年漂泊家千里

百代興衰夢一場
蟪蛄浦風清波鴨綠
漁梁春暖酒鷺黃
相逢且盡尊前醉
莫遣愁多白髮長

漁梁溝在山陽城外十餘里多美酒

絕勝沽故名

初度留山陽

茫茫南國徧旌旗
九日明朝有所思
元亮暮年書甲子
靈均初度憶庚寅
魚龍寂寞秋江濶
豺虎從衡客路危
歸去白雲堪共卧
萬山深處結茅茨

答淮上翁二首

風雨淒淒戰客衣長淮東去鴈南飛碧山學士老復老
芳草王孫歸不歸尊酒細論悲昨夢囊書空負笑前非
木奴千輩侯千戶早晚應須賦式微

京江語別十三春宇宙茫茫幾戰塵客路秋風欺白髮
陰房夜雨濕青燐杖藜嘆世悲誰子懸印朝天少故人
回首鹿門思舊隱荒墳宿草更沾巾

末句為澄齋劉先生云先生名弓字

器遠

懷林紹先三首

長淮滾濁瀾春半尚嚴寒久客愁無寐懷人醉不歡讀
書狂李白忘事老師丹何日歸林下悠然飲一簞

歲歲苦擔簦飄零雲水僧星霜變玄鳥天地有青蠅留
滯慵僮僕懷歸畏友朋求田端有暇誰復問陳登

羈懷不自慘明日又花朝我畏杖藜遠君難折簡招愁
長憐髮短室邇嘆人遙剪盡西窓燭憑誰慰寂寥

寓山陽天慶館作

紫氣浮闕帳客情琳宮羸卧絕逢迎長廊夜靜蛩吟苦

古殿秋深鶴唳清
勾漏丹砂何處問
藍橋雲液為誰傾
捲簾殘月斜窺牖
街鼓鼕鼕又五更

次韻陳教授見寄二首

藜牀聽雨卧雨霽
抱琴行古徑荒苔
合秋渠墜葉平流
年悲鴈影往事咽
葦聲誰識玄都觀
劉郎舊有名

江城吾舊隱今歲
喜秋穰一頃南山
豆千畦負郭薑看
雲扃戶晚對月引
杯長他日憑魚鴈
猶堪話楚狂

送程道大歸新安
兼簡憲使盧處道
學士四首

倦客思歸整旆鞍班荆祖道駐江干浮雲流水別離易
明月清風會晤難移妓東山須載酒上書北闕莫求官
諸公滾滾君休羨得馬還將失馬看

十年故國黍離離一日翩然賦式微儒服政憐山鳥怪
機心何獨海鷗飛山中朝露閒觀槿嶺曲春風自采薇
蒼狗白衣從變化是今非昔昔誰非

我生慚愧賈胡留暮鼓晨鐘復報秋萬里橋南存舊宅
十年客舍尚并州青山是處堪埋骨白髮新來漸滿頭

此日送君何限意長江萬折有東流

戔戔束帛賁丘阿有幾英雄入網羅少室山人徵不起
貞元朝士已無多聲光赫奕埋輪使音調淒清扣角歌
傾蓋相懽應恨晚喬松千尺有絲蘿

道大有集
名扣角吟

次韻程道益見贈二首

此生慚愧馬牛襟返鎖柴門歲月深避地管寧甘白帽
登臺郭隗自黃金風霜漸老騷人鬢天地元知國士心
却喜程侯晚相遇長魚碧酒共清吟

十載時艱淚染襟餘生幾擬託幽深匹夫無罪空懷璧
校尉有官從摸金老去風塵猶昧眼春來藥裹更關心
草玄作賦吾何敢梁父吟成祇自吟

病中三首

病來十日閉茅廬孤負吟詩與著書林下不知牛是蟻
濠間誰識子非魚羸形分絕麒麟畫老境堪同鹿豕居
坎止流行隨所寓分明天地一蘧條

腐儒麤糲愧無功一月魚旬卧病中賦就但應增肺渴

檄成元不愈頭風移心有法難忘藥折臂無緣定作公
世事漸艱吾已老偷然夢不到槐宮

婢尋本草犬迎醫二豎驅除去復隨衰老維摩常示病
瘦生杜甫不關詩門堪羅雀那容駟釜不烹魚但作糜
見說九重徵武士却須攘臂學支離

故舶使知泉州趙公挽詞五首

閩越驅馳後乾坤震蕩中名雖高北斗身竟老遼東仕
止因時異悲懽與世同洛濱多侍從立懦獨清風

慷慨辭雙節逍遙寄一筇揚雄雖若鳳老子自猶龍霽
月窻前草悲風隴上松遺民應巷哭何但輟秦春

壯歲風雲會衰齡岸谷遷芾棠南國裏細柳曲江邊天
地紛戈甲園林寂管絃康成共丁卯肯避己辰年

公諱
日起

號月山生于丁卯
卒于辛巳故云

杜陵倂稷契諸葛陋袁曹道在七分易文過九辨騷邱
原終古閉嵩岳極天高况復堦前樹于今有鳳毛

世梗投林密人稀寄驛遲一朝傳易簣千古竟騎箕

鼻空悲郢援琴謾憶期薤歌嗟已晚生死負恩私

秋聲堂

袞繡三朝樂盛時湖山廊廟兩棲遲一聲輦鼓乾坤沸
萬里煙塵草木悲隔葉黃鸝空睨睨定巢紫燕尚差池
春風不管人間事猶繞雕闌颺綠漪

懷聶道錄二首

形影參商已六春春風吹夢益霑巾江頭楊柳送行客
窻外梅花疑故人世事茫茫山嶽隔年光冉冉燕鴻新

一尊何日重攜手鶴外乾坤迥不塵

夜鶴朝猿伴苦吟碧窓靜鎖綠雲陰青精可飯藥資乏
黃獨無苗山雪深豈有故人分祿米但聞隱士寄焦琴
相思一夜生春草明月滿街天籟沈

病愈出游

桐帽棧鞋破曉煙落花飛絮暮春天風簷轉日噪乾鵲
雲樹隔溪啼杜鵑客到茅亭沽舊酒僧邀竹院話枯禪
病餘一事還堪笑脚力輕鬆倍去年

舟行欲訪三茅踐許宗師鶴會之約

磴飲巖棲願已違
小舟拂曉泛連漪
蒲叢露冷泣姑惡
木末雲深叫子規
山近三茅便杖屐
酒沽五里帶糟醅
乘風徑擬尋幽躅
莫負當年汗漫期

夜卧旅邸夢入三茅山一道士病一道士鼾睡
因作詩紀其槩云

夢入三茅叩玉扉
樓臺金碧淨朝暉
巖花澗草高低見
田鶴沙禽下上飛
道士倚牆方熟睡
至人杜德不言機

人間天上元非遠
非想非非更覺非

人日

人日吟窓滌硯塵
關官擘繭笑鄉鄰
山人雅愛終南徑
詩客空懷渭北春
譽毀蓋棺猶未了
勲名看鏡不須頻
從今好是支離卧
有客問余方負薪

郭朝奉挽詞二首

性儉家常足
心閒體自胖
令名緣有子
良貴不須官
遺像衣冠古
高堂几席寒
他年說耆舊
回首重辛酸

世態十年別交情奕代論及門先倒屣引酌定空尊杖
履春風語松楸夜月魂些成嗟已晚江濶聽啼猿

悼俞仁則

仁則自
號稿汀

藕花汀畔柳絲垂杯酒殷勤話別離風雨對牀空有約
池塘夢草竟無詩荒墳日落誰人弔古屋苔深獨我悲
畢竟功名大槐國排雲書在即豐碑

吳門逢友人

澤國江山冷戰雲扁舟春曉忽逢君荒城鼓角含商氣

舊曲樓臺暗楚氛
海燕認巢迷故主
苔蝸篆壁變新文
更憐庾信江南賦
音調淒清不忍聞

送張師道

七閩幕府藉詞臣
一笑平章草木春
制下九重新渙汗
胷蟠千古舊經綸
生平耻不為伊傅
夜半何須問鬼神
無限焦枯待霖雨
好將斯道覺斯民

送道士孫雪房

霧豹文章野鶴姿
黃冠晦跡淞江涯
攜家擬就鹿門隱

奏賦何期狗監知
觸熱問塗行有日
排雲論事豈無時
太平上策須傾倒
更憶崆峒麥熟時

送董左丞二首

帝睠東南用正人
角巾歸第請何頻
相公久矣倦台鼎
故國依然倚世臣
霖雨合歸天上作
忠言須造榻前陳
大夫出處非徒爾
四海安危寄一身

煌煌勲業繪凌煙
共說韋平有世賢
黃閣紫樞名將相
涼臺燠館半神仙
百年富貴真槐國
一日清閒勝葛天

祇恐九重方側席東山未許遽高眠

佩韋齋集卷五

欽定四庫全書

佩韋齋集卷六

宋 俞德鄰 撰

律詩

閒居遣懷

密樹幽花似遠村
循除流水自淪闕
無僧肯送盧仝米
有客時過陸抗門
月暈天河魚散子
泥融雨徑竹生孫
十年四海干戈滿
似此遺民幾戶存

為湯提刑賦南園玉繡毬花二首

繡衣持斧舊詩翁
天與奇葩襯綺櫳
翠筍葉攢珠的皪
碧搔頭映玉瓏
氤氲香霧迷叢蝶
淡沲晴飈颺轉蓬
安得素娥斟綠醕
緩歌一闋月明中

愁煙泣露泣明妃
萬蝶魂迷倦不飛
帳簇流蘇裊翡翠
階翻蹴鞠落珠璣
瓊葩分韻香疑減
柳絮成團似卻非
風雨朝昏他日約
忍令容易失芳菲

霽寃孫使君題南園詩有曰遊人只

解遊晴晝風雨朝昏盡屬君

次韻陳靜佳詠梅

玉骨冰肌不受塵紛紛紅紫謾爭春最宜巖壑風霜夜
相對心腸鐵石人寂寞上林迷霧苑差栽巫岫隔煙津
脩然自得閒中趣肯與姚黃作素臣

古寺

古寺倚崢嶸春風信馬行猿吟千樹暗僧定一燈明野
水循除出庭莎夾徑生云何多俗韻一宿又江城

故樞密使陸公挽詞三首

公諱秀夫
字君寔

杞國天將壓蒼梧雲正愁龍胡垂可挽魚腹葬何憂萬

死丹心在千齡王氣收懸知精衛忿今古不能休
七朝迷瘴霧一昔倒狂瀾天意竟難料皇圖不再安寧
甘蹈東海不忍繫南冠自古誰無死從容就義難
羣雄紛愛死一士獨捐生歷數絕誰續綱常晦復明人
皆念王蠋天豈禍程嬰淚眼休枯盡他年看史評

次韻答鄺學正見贈三首

雞鳴羣動已憧憧習靜工夫自笑慵風月一襟霜兩鬢
圖書萬卷酒千鍾維摩示病元非病李廣難封不願封

世道污隆隨所適我知老子本猶龍

蕭森竹栢小蒲菴身世嵇康七不堪眼底故人俱寂寞
鏡中衰髮自鬢髻過車慷慨陳清酌舊館殷勤脫左驂
老我與君同此意紛紛輕薄不須談

粥飯隨緣類出家小瓶汲月自煎茶浮榮等是蕉中鹿
薄俗堪憐井底蛙南畝半栽元亮秫東林多種邵平瓜
青鞋布襪相隨去九陌紅塵任汲車

次韻陳教授見寄二首

擬效時人恥效尤時人嫉我亦如讐攜金嬾市燕臺駿
賣劍聊尋北海牛白髮盈簪羞我老黃花滿徑為誰秋
尊前有酒休辭醉癡絕由來愛虎頭

朝暮何人肯拔尤周民何友亦何讎還家久類蘇耽鶴
溷世聊歌寧戚牛筆在不妨書甲子詩亡誰為作春秋
百年修短終歸盡倚杖看山任白頭

夏五園亭對雨漫成六首

野鶴乘軒愧不才柴門鍵密晝慵開荒亭銷霧紅葵老

古木號風白雨來酒免官沽時一醉詩非私貸日相催
人間萬事皆兒戲千載昆明幾劫灰

從來工瑟莫吹竽赤米黃蘗儘自娛種柳藏鴉憐哺母
葦巢護燕待將離荆榛少剪但除道瓜芋多栽莫問區
金馬玉堂元有分青銅慚愧白髭鬚

鏡中勲業不須論拭髮何由得馬肝日暮論文思李白
年衰忘事類師丹幾多歸燕愁無主是處鳴蛙總為官
多謝天公相勞苦梅風吹雨長琅玕

五噫休作不平鳴，世事悠悠奕一枰。
歌有紅兒休用比，酒無白墮亦須傾。
青山倘是埋骨好，素髮何嫌照眼明。
鼎鼎百年三萬日，曉煙收盡暮雲橫。

雨霽雲收正午天，槐陰翳翳北窗眠。
百年未了暫為客，一日得閒真是仙。
美酒但尋知己飲，好詩休用俗人傳。
山林鐘鼎知誰是，輸與鷗夷理釣船。

有酒能澆磊砢胸，人生何處不從容。
橫飛遼海成孤鶴，老死南陽亦卧龍。
習靜一邱聊自足，逢時萬戶莫先封。

梧楸門巷將迎少澗曲分畦學老農

秋泊吳門寄友

尊酒旗亭說舊遊重來茂苑又深秋煙霞靜鎖詩人屋
風雨常欺倦客樓獨鴈呌羣天漠漠寒驢畏滑路悠悠
相思青夜黃花老一盞寒燈萬斛愁

次韻薛晚翁教翁

鯤鵬意氣鶴精神髣髴風流賀季真三顧豈無天下計
百年空老夢中身兵塵滿眼誰知己儒術謀生每誤人

長嘯歸來尋舊隱石田茅屋未全貧

閒境

門外紅塵競往還小軒容膝自怡顏
三杯對影夜邀月一笏拄頤朝看山
芳草落花春不老鳴鳩乳燕樂相關
人間尋徧無閒境閒境由來祇此間

小園漫興四首

小園雨過草離離寂寞葵榴又一時
載酒客來閒問字催租人去更吟詩
一杯淡粥學僧供三尺高牀避鬼吹

百歲光陰行六十世間何許鳳凰池

杖藜竹外獨徘徊歎息人間幾劫灰
燕領素無難食肉蟹螯才有便持杯
世人枉是皆欲殺明主何嘗有棄才
多謝諸公共推挽公車時亦到蒿萊

公車縱肯詔遺民鶴髮蕭蕭已滿巾
美景昔時多樂事豐年今日有飢人
翻雲覆雨憐輕薄洗眼開懷任屈伸
野鶴瘦軀馴鹿性此時寧復繪麒麟

華髮思鄉去苦遲人民城郭總成非
九原可作吾誰與

三徑就荒胡不歸詩思寂寥無腹藁病軀顚顚減腰圍
有時夢與鍾期遇閒拂枯桐按玉徽

懷蕭道夫

北轍南轅一昔分何時尊酒細論文談經舉世用燕說
橫筆何人靜楚氛朋輩風流推李杜弟兄詞藻愧機雲
麟洲有客長回首歸誦琅章飲所聞

泊閭橋有懷

青鏡霜闌杳莫尋陳留巷陌故陰陰鴻飛猶記東西跡

燕去難留上下音多病樂天悲老近三生杜牧恨春深
浮雲柳絮元無準慚愧人間兒女心

戲簡友人二首

百年何處築菟裘又向周南歎滯留砧韻但能淒客枕
鴈聲渾不到歌樓江湖展轉魚千里今古驅馳貉一邱
回首金焦渺何許瀟瀟風雨使人愁

茅齋蓬鬢靜編蒲誰使擔簦問客途萬里晴雲離塞鴈
一天明月繞枝烏羈愁浩渺夜將半詩思淒涼歲欲徂

却羨故人沈醉處紅樓紅粉擁紅鑪

次郭元德二首

馬周淹逆旅夢寐憶常何琴古知音少囊空得句多淒涼憐我老慷慨為誰歌三尺匣中劍時時自濯磨

昔賢多不偶今我欲如何浮世歡娛少衰年感慨多吁
唔緒蠹簡歟乃聽漁歌自笑平生志低回竟不磨

次韻郭元德旅懷

挾策知無用援琴且自寬世途今更險客枕夜偏寒俯

仰隨時易隆汙合道難功名大槐夢青鏡莫頻看

偶題

身世厭漂零衣冠愧典型乾坤開闔戶日月短長亭水
濶連天白山高擁岸青揚雄中有宅垂老太玄經

村居即事二首

地僻村深過客稀數家生聚突煙微魚蝦入網忙呼酒
鷺鴨棲池靜揜扉喚婦索綯苦屋角課兒斫竹補園籬
溝東積水通前浦也有蒲帆帶雨歸

漠漠平疇接遠沙一溪寒水浸梅花兒挑苦菜供鶩食
妻擷葫荽薦客茶楮火殘寒尚力茅柴酒熟夜能賒
歲時伏臘歌呼處三世兒孫共一家

贈良常山人

青歲迂疎厭市廛誅茅結屋北山巔泉流陰洞猿分飲
草軟陽坡鹿伴眠三徑煙雲渾是畫四時風月不論錢
忽逢野老談庚甲笑指喬松不記年

富安田舍二首

風餐雪虐駕扁舟又作田家數日留
鴈逐稻梁飛遠浦
犬驚杖履吠荒丘
三杯薄酒延僧話
一棧寒燈伴客愁
白水漫漫妨麥事
催錢縣吏亦宜休

漠漠寒雲接斷蕪
平疇積水入長湖
犢眠籬下霜埋草
鴈宿河邊月滿蘆
戟叻苦茶連葉煮
膠牙酸酒帶糟鋪
數朝已覺人情熟
識字耕田著我無

田家喜雪

漫空飛雪歲云徂
獨坐閒吟粟滿膚
郭落江山千態迥

渾淪天地一塵無寒聲夜吼松筠裂和氣朝回薺麥蘇
說與田家判一醉明年寧復慮官租

除夕一首

十旬為客思淒然返權言歸又覈田楫杌煨鱸消永夜
屠蘇浸酒迫新年人生半是忙中過農事偏于隱者便
將老菟裘何處卜九龍泉畔錫山邊

買田陽羨笑東坡三黜窮荒兩鬢皤瘴霧蠻煙添老色
寒燈夜雨強悲歌百年富貴歡悰少一日清閒樂事多

說與故人休大噓省曹閤者面如何

次韻郭元德閒居二首

萬事夢中夢百年身後身黃塵空沒馬白髮不饒人鱸
美蓴波淨螯肥菊露新相思須命駕莫厭子輿貧

弋慕冥鴻遠城荒去鶴還萬緣俱是幻百計不如閒人
在羲皇上時當晉宋間委心乘物化何地不蓬山

后平叔母夫人挽辭二首

十載干戈四海同幾人徐庶幾陳宮阿奴侍母但膝下

潘令棄官歸洛中生死總歸蝴蝶夢衰榮何啻馬牛風
送車千乘誰能致我亦潛然淚灑空

昔年烽火隔江津指痛呻吟夜徹晨旁置萬家空有家
祿營三釜已無親鸞回紫誥承恩舊牛卧青岡卜兆新
送死養生無一憾老懷緣此重沾巾

餞楊少監

白髮蒼顏自在仙流行坎止任天然江山得意竟攜酒
家世為官不愛錢天與清閒娛晚景人看富貴出長年

傳聞尺一來閭闔匹馬春風快着鞭

楊剛中分教京口有司以冗員罷去詩為別就
次韻以餞其行二首

冲霄志氣合雄飛誰遣談經坐絳幃夜雨簷花聊痛飲
秋風蓴菜竟思歸一官豈為吾曹冗五斗政嫌兒輩譏
去去草玄從尚白丈夫元不羨輕肥

公車指日召嚴徐友道從渠自耳餘浮世功名蕉覆鹿
冷官滋味釜生魚百年荏苒醒還醉一氣循環慘復舒

歸去湖山多樂事故人休枉絕交書

贈程秀才

莎徑莓牆枳棘籬藜牀六尺卧書帷門前剥啄誰驚夢
馬上推敲客有詩北牖清風聊共語夜梁落月重相思
賓鴻此去過京峴應遣新吟慰故知

姑蘇有贈

畫樓珠翠列娉婷遼鶴重來失故城商女不知寧有恨
徐娘雖老尚多情一簾花雨談幽夢雙槳蕩波急去程

却倚閭門重回首笳聲嗚咽暮雲橫

天竺山

鷲嶺舊尋詩重來十載期蛩吟僧定榻猿挂鶴棲枝
山月穿窻入溪雲傍竹移一聲清磬發應悔出家遲

遊金山寺次壁間韻

水國微茫境物閒洪濤九派護禪關
帆檣下上淮連浙樓殿高低寺裹山
潮駕金鰲來海上天留玉府在人間
凭闌落日蘆風起時有魚龍聽法還

醉中偶書

落花流水兩無依，夢入桃源覺已非。
尊酒闌珊山月落，片帆搖拽浦風微。
雲橫北固朱樓遠，煙暝西湖畫舸歸。
別易會難今古恨，鱗鴻來往莫相違。

甘露寺火後登多景樓故基有作

西風散屨步崔嵬，霽色浮空望眼開。
江勢亂奔滄海去，天形低約衆山回。
一卷狼石埋焦土，百尺危樓付劫灰。
惟有沙鷗知我意，相親相近不驚猜。

佩韋齋集卷六

欽定四庫全書

佩韋齋集卷七

宋 俞德鄰 撰

絕句

金陵道

樓頭凝望處落日帝王州下有朝宗水滔滔日夜流

曉行沙上

宿雨浥輕塵沙平草樹春遠山千萬疊空翠欲霑人

客中雨

風雨正瀟瀟孤燈伴寂寥關心多少事一一付芭蕉

尋春

日日尋春到水涯今朝籬落見梅花折梅欲問春消息
春在橋南賣酒家

春日山行

山北山南日幾回半山山舍更傳杯一聲羌笛山雲裂
二月山花有落梅

晚醉

兀兀餘酣漱晚汀古犧香霧入疎櫺捲簾歸坐月弦上
隔岸遠山青更青

何山白水田

離離遠樹接山低白水田頭杜宇啼昨夜前村新雨過
桔槔間在石橋西

題米友仁遠景

蒙蒙樹隱山渺渺波橫海其中一葉舟豈有陶朱在
為石民瞻題風雨溪橋手卷

煙林雨氣昏行客苦迢遞誰知渡溪橋風塵滿天地

訪徐叔詠教授山菴迷道而作

上山下山山歷歷松篁不改路非昔杖藜聊欲問山翁
山空葉落無人跡

到徐叔詠居

攀藤躡石訪幽客茆屋參差松樹隔山童聞語不應門
古木千章鳴格磔

二詩作于丁卯正月七日子與龔君聖子訪叔詠

于西湖南山上叔詠喜具酒肴接殷勤敘間濶不
覺留連竟日別去叔詠策杖躡屐送至石佛庵予
與聖子歸憩清和旅邸越翌日叔詠忽以訃告二
詩殆類讖語每視之不勝宿昔之感

次韻周遺直京城苦雨五首

甲戌

天地黯黯雲氣繁淤泥沒脰蝸書門長安米升錢五百
忍飢茹芝誰綺園

濁醪梨棗亦易求雞鳴簷溜還交流親賓縱談天下樂

杖藜誰復過蘇侯

古今浩浩多詩豪
清辭麗句誰能高
大厯飢寒少陵杜
義熙歸去彭澤陶

半年京國囊無儲
飯我豆粥羹寒蔬
翻江黑雨彌兩月
却憶溪翁留白魚

雲壑布衣賢亦愚
玉階紫衣妾亦夫
書三十乘須飽讀
鵬九萬里從南圖

六言

貪夫尋夢尋蟻可人間愛沙鷗一生能消幾屐十年浪
走三州

題瘦馬圖

一十五條瘦肋八千萬里脩程春草明年又綠朝趨夜
秣幽并

為徐彥昌題畫扇

峭壁倚層霄長松蔭幽壑荒徑一樵歸平沙羣鴈落

為陳登父題畫扇

古澗橫小橋竟日無人渡紅塵隘九衢來往不知數

題蘭亭圖

昔上會稽探禹穴曾留此地聽潺湲茂林脩竹今何在
歎息三原塊莽間

戲題王吉甫居壁二首

曉出西關訪直溪西風掠地草淒淒低岐迷路無人問
邢塢轉東東轉西

沒馬黃塵倦入城杖藜聊復暢幽情却嫌春盡山林遠

一望三茅與四平

四平
山名

遊鶴林即席分韻代率上人賦日字

松聲度暖風花氣薰遲日乘興問三三何勞邀七七

廣信道中留別故人二首

疎疎楊柳拂平沙白鷺灘褰立水涯徙倚闌干吟未穩
澹雲籠月落誰家

天涯淪落偶相逢路轉靈溪事又空從此萬山并萬水
暮雲飛處望江東

題明皇卧吹簫圖二首

羯鼓催花事已奇
一枝媚玉卧猶吹
何如端拱巖廊上
九奏簫韶付一夔

吹斷簫聲禁漏遲
華胥一枕夢醒時
梨花院落沉沉靜
更有人偷玉笛吹

閒居遣懷六言四首

巧語屢遭惹
詩麗辭空賦
梅花歲晚菟裘可築不妨痼疾煙霞

涉世性多物忤畏人分合幽棲通德能談飛燕兒曹從
厭家雞

元龍高卧樓上孔明抱膝隆中天下士憂天下此時此
意誰同

賀毅刺舌誠口郭舒掐鼻炙眉對客瞪視不答士廉已
悟無為

過高郵新開河

新河渺渺接長溝露冷菰叢一鴈秋十幅蒲帆風力飽

回頭煙雨暗天游

淮陰侯廟三首

鹿走沙丘二世亡重瞳隆準正奔忙將軍果是無雙士
何用區區覓假王

兔死從來狗亦烹楚亡安得有韓彭封留便約赤松去
已愧當年魯兩生

誅秦逐項奠乾坤三傑勲名萬古存一笑淮陰年少客
不如漂母識王孫

漂母墓二首

露冷蘆洲楚水平，荒墳三尺近甘城。當年不進王孫飯，

千古誰知漂母名。

甘羅城在墓東

袴下包羞氣未伸，寄身亭長更遭嗔。不圖他日千金報，
漂母應非世俗人。

淮安天慶觀夜坐

邊城寂寞歲將闌，濁酒頻斟醉不歡。一點青燈霜月白，
野鳬風起石窓寒。

感事二首

一朝天險失長江肉食諸公競賣降
受禪碑中無姓字
祇今誰憶鹿門龐

投閣先生著劇秦隴西降將欲全身
沙場無萬沈冤骨
却是周嫠與杞人

梅花三首

蝶隱蜂藏寂衆芳一枝寥落小溪傍
林逋仙去無知己
明月清風是主張

洗盡鉛華見玉肌
可人風味半開時
膽瓶誰汲寒谿水
帶月和煙簪一枝

沙岸潏洄一水通
補陀仙子靜相逢
縞衣不染人間色
寂寞清香度曉風

揚州天慶觀作

日轉梧桐影密
月明楊柳陰疎
經閣磬聲隱隱
闌然風馬雲車

癸未遊杭作口號十首
因事懷舊雜以俚語不

復詮釋

十年南國足風埃錦繡湖山得再來
醉裏不知人世改更從雲氣望蓬萊

襄城七聖雲迷澤槐里三原草合烟
今古興亡元有數福華當日為誰編

萬戶千門達曙開管絃啁晰沸樓臺
祇今明慶鐘聲動已報巡燈響鐸來

杖藜乘興不辭遙行盡蘇堤過斷橋
白髮老翁依古柳

相逢揮淚說前朝

水秀山明仙佛國天開地闢帝王家
欲窮勝賞人非昔獨立西風夕照斜

袞繡三朝邁等倫曾將雙美繪麒麟
當年早共赤松去未必清漳見逐臣

黃門飛鞚賜厨珍翠舞珠歌度十春
今日敗垣荒草合近前那復相君嗔

堤邊楊柳拂晴波堤上遊人銜綺羅
山色湖光渾似舊

采蓮人唱采茶歌

慈雲嶺下拜郊臺表裏湖山繡畫開十載西風動禾黍
行人休憶翠華來

西馬塍邊紅杏雨金牛寺外白楊風杭人憂樂多如此
儻有聖賢吾欲巾

謹題丞相趙忠靖公墨梅為張宣叅作

稜稜瘦鐵點瑤花筆底陽和轉歲華卻笑西湖窮處士
暗香疎影屬誰家

次韻張受益六言兼戲方使君二首

狎鷺亭臨野水夢蝶牀置禪齋擺矮金壺有酒葛天粟
陸無懷

燕玉公堪暖老澤室我嫌犯齋世事不均如此臨風渺
渺余懷

題古木寒泉手卷

騰沸一谿泉龍從千古木中有避世人陰厓結茅屋

題葉勸農對山樓次韻二首

三平三滿過即休十詩九律誰與謀歸來政自饒佳趣
樓對青山山對樓

避名莫學韓伯休生子何必孫仲謀遙岑寸碧可人意
風月一天閒倚樓

贈武當山孫道士二首

雲龍風虎正經綸長嘯歸山作道人千古武當丘壑在
紛紛高位幾全身

漢祚雖開四百基韓彭諸將竟何之誰如四皓商山去

明月一天餐紫芝

桐廬縣作

荒城秋雨後寒谷曉晴初沙路縈紆處柴扉蕩析餘

泊東館

一望嚴陵十里餘亂山銜日鴈相呼故人零落今餘幾
獨有黃公舊酒壺

郊居

野徑晴霏斂江郊夏日涼夢中知是蝶還復自家莊

訪三茅舟至金沙雨阻因游龍山書院

遊霧登天計若遲崑崙聊欲訪支離幅巾破曉龍山去
且免三茅費勒移

村舍

瀟瀟流泉漱石寒蒙蒙草樹接江干雲歸遠岫月初上
雨打落花春又殘

次韻山人見寄

營得菟裘佚暮年雲山萬疊足風煙絕憐擾擾馳名客


落日西津喚渡船

閒居

客少經過因地僻
門無障礙覺天寬
餘生已斷封侯願
渭北蕭蕭竹萬竿

泊湖頭

潦翻川蓊甸烟靄
樹模糊小艇時呼
客龍游酒試沽



佩韋齋集卷七

欽定四庫全書

集部

佩韋齋集卷八

十至

詳校官庶吉士臣李如筠

主事臣呂雲棟覆勘

覆校官中書臣田尹衡

校對官中書臣王鍾泰

謄錄舉人臣劉禮

欽定四庫全書

佩韋齋集卷八

宋 俞德鄰 撰

賦

菱茗賦

吾聞秦逢氏子有迷罔之疾眊白為黑饗薌為臭擷穢
菱以盈握溷綠華而三歟哆茗戰之收助擬襄羊于宇
宙因澤余服闋其廬而告之曰我稽農經著茲仙茗雖
霜崖之孕秀實天葩之發穎木凍兮尚癡蟲蟄兮未醒

於是北苑龍焙西山鶴嶺露茁碧芽煙攢紫筍紛采掇
於晨朝銜雲腴之絕品效包茅之入貢先驛騎而馳騁
幸天顏之一粲表食芹之懇懇遺珍滯壁貴於丘園幽
人隱士寶若璵璠分地鑪之宿火汲瑤井于未渾響松
風于石鼎滃漚漚以雲翻籠紗帽而一呷庶肩吾之滌
煩回視薄者之炙與夫浮蟻之尊曾土苴之不若奚酪
奴之敢言故投以刀圭者均相和以胡麻者渴羌金帶
紫茸匱藏于三品鞠苗蘆服瓊報以二囊豈荒畦之辛

穢亂官焙之餘香而况味甘兮非薺氣葷兮類韭夜嗅
今日昏朝餐兮胃嘔俾沆雪華于兔毫亦勝光施于嫫
姆逢氏子勃然變乎色曰人有好尚物無媿惡太牢之
味非劣于敗菹絲竹之音非慚于椎鑿然不肯以此而
易彼蓋以性安而不忤是故紉蘭緝蕙者以逐臭而為
非嗜炭美痴者以饌珍而為噓其見雖殊其適一也且
子亦嘗諏詢往事乎叔季之世賢聖逆曳儉壬猖披彼
藍色而鬼貌豈斷菑于蒙魑伊豺聲而蜂目豈削爪與

植者然時君旨其言而心悅甘其佞而色怡亦由嗜好
之同異是以忠邪之背馳子不彼誚而獨我嗤非滯礙
而不化或痼瘵之未醫余無以對倚戶而歌曰拾珠琲
兮陽坡分銀蟾兮澗阿返柴門兮自樂嗟世溷濁兮奈
何逢氏子忍爾而羞蹶然而起雖痼疾之未瘳亦忻忻
而啓齒

斥窮賦

并序

柳下惠遺佚而不怨阨窮而不憫然而揚子

逐貧韓子送窮何也三子者不同道其趨一
也余感而作賦曰

歲在執徐月旅太簇辛亥御日陽風應候俞子刈荆掃
室剪蕉載糗委敝裘于道傍揖窮鬼而三呪伊造化之
亡私匪竒偏于賦受堯何疵兮殄世瞽何飾兮裕後桀
何德兮瑤臺憲何尤兮甕牖何暮武而湯偏何跖肥而
夷瘦何壤耄而由醢何回妖而錢壽何闔閭之死而金
玉其穴何黔婁之亡而手足不履非爾鬼之比周孰主

張而錯繆爾或有識去勿躊躇余非韓子燒船與車延
爾上座為爾所誤言訖怵慄密率嚆霆睥捷跳踉出戶
宣辭詭會謂余朋儔非六非四非今斯今立名垂字顯
允韓子實為我仇子何人斯而亦我尤鑽印沈研聚螢
刺股子之嫺情無與為伍鼯鼠竹書孰眠堇睹誰謂學
窮而闖子所鬪釘為工汗瀾為拙子獨茈茈固守前轍
棘林熠燿頃刻冒沒焉有文窮而子虛喝子數之奇地
亡立錐餅粟屢空迺分所宜飲河巢林聊以自娛賦命

如此何窮之為涕唾流沫顙頤顙頤刎頸論心死生契
闊子獨索居煦煦子豈有文窮忍為子孽然子所以
顙沛流離若愚若癡謗譽交集悶然莫知則彼智窮之
為也吾試與子言之可乎余曰唯唯鬼曰惟人一心函
喜與怒發而中節繫性之故一溺于偏為害為蠹故喜
之偏者為屋烏之憐怒之偏者為水蟹之惡今子之矯
矯昂昂為世所狂情然意行坎窞康莊非彼智窮孰為
子殃媿媿偃僂突梯卷鬢滔滔皆是子寧不然非彼智

窮孰詒子誓犁軒眩人踉蹌蹙蹙趨者瀾倒子徒揭揭
非彼智窮孰滋爾闕筭格酷烈斷人膏血紆朱懷金子
顧不悅非彼智窮孰為子賊子不彼惡惟我之斥鴳昏
黷黷疑莫子匹余于是再拜稽首卑辭稱謝俄而智窮
暗噫叱咤曰爾衆鬼我朋我儔坐我交衽行我聯鑣泛
泛漂泊我惕我驚獻歌娛樂爾肆爾憑鋹鉗叱咤我不
爾能雜還拔擢人不爾懲不我能畜而反我憎逝將去
汝避彼弋矰翻雲覆雨誰復爾矜紛衆鬼之愧赧皆成

爾而失色既吻吮以啣嘲復敞罔而皇惑余方命玉友
行成其間而起眊四座分患耦俱已笑而言啞啞

雜著

佩韋齋箴

并序

佩衷之旗也玉取其德玦取其斷觿取其解
紛象環取其立義已所不足時觀其佩而近
思之所以長善而救失也余性剛狷因取西
門佩韋之意以名吾齋且作箴以自警箴曰

佩韋遵訓晦木準規猗與前賢可效可師嗟我婞直加
以狷介乏惠之和有夷之隘與物多忤與世寡諧蹢蹢
涼涼是為禍階匪詳匪緩曷敢獨斷匪循匪默曷契玄
德載佩爾韋載覺爾非爾韋弗佩爾動必有悔爾非不
覺爾德日以薄爰作此箴內省自度庶幾夙夜以永終
譽

魯瑑銘

并序

濟南張時中得孔林尺柯類紫玉而瑑寘書

室有愛慕不足意然莫諗為何木也因命以
魯瑒且為銘曰

奠楹夢覺曳杖歌輟聖鐸希音墨車騁轍歸歸孔墓挺
挺異材斯道餘澤肄于條枚有棘殄萌有鶚戢翼千載
而下過者必式翩翩公子禮義弗愆言刈其楚以代韋
弦盤盂几杖稊稗瓦礫伊昔聖賢道存目擊斯是魯瑒
芽蘖孔林覩物思聖疇敢弗欽執如不勝非禮勿動參
前倚衡何適非孔戕杞害性握苗蕩心雖寶斯瑒鼠穴

之金矧伊嚴君舊宅曲阜汜露憩棠德風偃草子其夙
夜不自滿假學為箕裘乃紹弓冶勿為由野勿為求畫
勿為予寢勿為師辟彤端影直質堅大蔚魯瑒之德維
子之則斯文未喪絕學可續瑒材之茂誰云濯濯我作
此銘詞鄙義真庶幾責善不愧古人

蟠室銘

并序

蕭元彥字彥和以蟠室自號徵銘于余銘曰
夔之屈以求伸龍之蟄以全身蓋屈者伸之機蟄者全

之體而知進知退所以為知機之神伊昔賢聖韞玉席
珍或垂綸而釣渭或負耒以耕莘或乘桴而浮海或茹
芝以避秦豈素隱以行怪蓋遯世而無悶乃利見乎大
人若夫飲羽市門之上血刃風波之濱馳朝騫暮走俗
抗塵貴盛瞬息刑僇旋臻較共得失一銖萬鈞是故歎
上蔡之犬不如思吳中之蓴羹薦郊之犢不如擬潛淵
之鱗余友蕭子色美氣醇取蟠室以自命將遯跡以全
真嗟余遲暮夙夜隱淪惟不尤而不怨冀求仁而得仁

爰約文以申義庶有補于書紳

蒙泉銘

有冽寒泉在山之下滔滔汨汨晝夜不舍融為百川放
乎四海鼃鼃蛟龍噓氣致霰澤潤埏垓霑被動植沿流
沂源兆朕涓滴民之初生物則靡虧如泉始達孰能禦
之人衆勝天欲窮滅理自窒其源醉生夢死有匪君子
果行育德造端一念洋溢四國天地以位人物以育明
哲保身豈弟干祿我作此銘識彼蒙泉庶幾朝夕如佩

韋弦

止齋銘

知足不辱知止不殆猗與前修夙夜申戒悠悠貪夫其
欲逐逐希榮夢蟻亡虞即鹿小器易盈高位疾顛日暮
途遠寃後跋前哲人知幾干祿豈弟如漢之疎如越之
蟲處榮懼辱居寵慮危括囊无咎永終是思豈比下愚
患得患失黃犬興歎文犧就磔祿無過厚分無求多斯
銘是監受福不那

熟齋銘

并序

潼川楊巽申字剛中以熟名齋本心文公為之說虛谷方公為之箴因為之銘曰

五穀不熟不如萑稗仁在乎熟傳有明戒造次無忘夙夜匪懈如行萬里有進無退真積力久德盛仁熟日至之時已克禮復譬彼有秋黍稷重穋就實斂華豈徒半菽寒暴更變晝夜枯亡以私滅公以欲勝剛行行如由堂堂如張仁遠乎哉我實自戕所以聖賢三月不違視

聽言動在戒四非為孔之學為顏之希茲銘尚鑒仁其
庶幾

靖節先生畫像贊

不降其志不辱其身徜徉三徑天天申申世指為晉宋
之人噫孰知其為無懷葛天氏之民也邪

清涼居士贊

并序

故蘄國韓忠武王晚解將印自號清涼居士
一驢二童徜徉于湖山空翠間見者莫知其

為王也五世孫鑄圖其像求當世之名文辭者識之余不敏因為之贊以附其家乘云

六龍南飛炎正重輝犀甲熊旂一豕怒啼氛祲晝迷驟
羈獠奚噫歸去來兮所以繪凌煙之像而不墮偃月之
機也與

無文頌 并序

西臯趙侍郎持浙西憲節暇日飲淨慈寺作
二詩遺無文老無文本達磨不立文字之意

何事于詩而無文獨寶斯帖親授之猶子楊
君巽申保之藏弁是無文未始無文也已而
寺有大祥師于烈焰中跌坐而逝二詩炳然
獨存疑若有神物護持者合爪讚歎而作頌

曰

達磨西來不立文字師號無文亦西來意劫風雷吼劫
火電熾不生不滅不怖不畏西皐與師機鋒相值師方
住世公實出使作詩示師闡祕密議云我與佛一而不

二以色相求匪夢即醉師聞是已五體投地乃勅猶子
永寶勿墜師入涅槃詩乃在笥我識師心與公一致咸
願衆生入第一位如痿得起如盲得視赫赫畢方乘颺
聶屨斯文炳然匪師孰庇師于釋門拔萃出類師歸西
方此意誰嗣宜勒堅珉毋俾廢棄

噴皂

吳郡之齋皂而趨者十餘率愾且黠擇厖而皓者為之
長凡公家之餽俾受而內之齋每踰月輒勞以薪若酒

且蠲其役至之蚤莫不究切之雖其徒意思甚然懼其
軋已也莫敢議有賸而貧者目眊昏手足惰窳隆背而
低首行步竭蹶揚其聲呼之則呀呀開口羣眠之若無
人一日竢于庭遷延而入予室卑陬而前纖仰而笑出
片紙若訟謀者寘于几亟偃僂而退睨左右若畏若駭
追而問之不應余驚焉視之覩縷數百字蓋撻校人之
欺而悼子產之謬而不悟也再讀之雖莫辨其實然熟
察之則似嬖媚其得于余者余于是憮然曰嘻可畏哉

夫皂而曠信無聞也曠而病且老信不足畏也彼束薪
斗酒之獲初何足算鼠雀之計一行詆訐之辨辭鍾至
今朝廷之上賢否錯立其不能容人過善于伺人之短
者何往非耳聰而目明者哉居高官據要職祿賜之厚
車輿之澤邸第之雄較其所得又豈直束薪之與斗酒
哉修嚴潔白猶懼官謗而便文自營者迺傲然弗之顧
徒以號位勢力足以軋夫人而箝其口吁何愚也余故
為之說使聞者或有警焉

書楊東里詩集後

余讀隱士楊朴詩如莎衣寒食七夕等作似可膾炙人口餘雖放蕩狂逸有山林氣而雜以俳優鄙俚去風雅遠矣特其不事王侯高尚其志有足重者固不專在于詩也雖然畢相士安韓內翰不數以朴言于上太宗遣內侍召之賜對景德殿詔授工部郎中朴辭後賜東帛且官其一子聖君賢相其愛惜人才如此賢于朴者其寵遇又何如哉當今淵潛山栖豈無朴輩不得聞名于

朝而與草木俱腐者是固誰之咎耶吾于此重有感矣

域民固國威天下如何論

古聖人之慮天下雖未嘗不詳而亦未嘗恃其慮之詳何者聖人以一身為天下之主必以一心周天下之慮慮之不周則其為患也必不測俟其不測而圖之則其慮也亦晚矣是以古之聖人事為之慮曲為之防舉凡所以經綸維持之具無一不入乎思慮之中是皆所以為天下計也然聖人則未嘗持之也聖人何心哉天下

之事固患于慮之疎而尤患于恃其慮之密恃其慮之密者雖密猶疎也是故封疆可以域民也而民有時而不可域山谿可以固國也而國有時而不可固兵革可以威天下也而天下亦有時而不可威惟其不恃其計慮之周而默有以為維持經理之具是則古聖人意也是則吾孟子所以警戰國諸君之意也域民固國威天下如何請得以申孟氏之旨夫有一家者必為一家之慮有一國者必為一國之慮有天下者必為天下之慮

綢繆之戒必謹于陰雨之初于隍之虞必謹于城復之始慮之不可不周也尚矣然嘗論之天下猶一家也善為家者其有不慮乎垣墉之勤也緘滕之攝也扃鐃之固也其為慮也亦周矣然而巨盜之至負匱揭篋擔囊而趨惟恐緘滕扃鐃之不固也然則向之緘滕而扃鐃不乃為大盜積者乎故諸侯之有國也天子之有天下也立為比閭鄉井之法設為山谿城郭之險制為干戈弧矢之利皆所以安國家皆所以衛社稷也其慮非不

周其計非不密也然而有聖賢以主之則安無聖賢以主之則危城不改闢也民不改聚也兵革不改其堅且利也昔焉比閭鄉井可以坊民今則併其比閭鄉井之法而竊之昔焉山谿城郭可以衛國今則併其山谿城郭之險而竊之昔焉干戈弧矢可以威天下今則併其干戈弧矢之利而竊之吾之慮患愈密人之為吾慮患愈巧然則世之所謂慮患者有不為大盜設者乎所謂域之固之威之者有不為大盜守者乎嗟夫是非慮之

過也恃其慮之過也魚不可以脫于淵天下之利器不
可以示人凡聖人所以維持天下之具者是即天下之
利器也是故作兵甲用田賦魯不然乎哉方城以為城
漢水以為池楚之大竟何如也超乘免胄靡旌摩壘之
勇彼齊秦獨不然乎哉始于恃其智慮之周終乃變生
于智慮之外是則殺豹之事也魯有張毅者善養其外
而病攻其內有單豹者善養其內而虎食其外天下事
亦猶是耳是以聖人之慮天下不恃其民之必可域而

恃吾有以固結其心之仁不恃其國之必可固而恃吾
有保宗廟守社稷之本不恃天下之必可威而恃吾有
不爭善勝不戰屈人之術凡是者正恐蹈夫緘滕局鐫
之智而為殺豹之養也嗟夫戰國諸君具有不為緘滕
局鐫之智者乎其有不為殺豹之養者乎今日移民明
日移粟今日築薛明日城宋今日伐楚明日伐齊紛紛
紆紆無有寧歲然而治竟何如也吁此孟子所以深慨
也昔人有以藥石衛生者儲醴醪具鍼砭參苓洩勃靡

所不備然不為元氣之護而獨規規于外患之弭防之
愈至而其天閼愈速是則戰國諸君之所以為社稷計
也孟子曰得道者多助失道者寡助然則道也者其維
持天下之本也夫抑維持天下之本也夫

佩韋齋集卷八

欽定四庫全書

佩韋齋集卷九

宋 俞德鄰 撰

記

郊行記

俞子偃仰衡闌紉今繹古神疲志倦散履寂寞之濱有
二士玄衣緇巾對膝而語其北嚮者曰余疇昔之夜夢
介者數十驅輜車至予室其持方咫若詔書者曰予惟
至咸敬導天子命惟上帝敷佑下土俾予沖人嗣膺大

歷服亦惟寧王遺我大寶曰汝有大疑其咨其茹予沖人夙夜敬懼罔敢墜失茲予將有事於四方誕慰僉志惟爾探賾索隱藏往知來肆予敢即爾謀爾無困哉其敬逆朕志言訖予再拜稽首升車問道至于王所文陛銅鋪焜耀嶂曄俄有執刀者出而睨予予驚馬蹏然而覺或者予將脫泥塗越埃壘超忽而蹏穹昊乎不然是何祥也南鄉者曰悲哉是將有假于鬼神者割汝吻創汝腸灼汝體使汝違清波之娛而蹈枯肆之悔汝其韜

靈幽數藏智層阿呼吸日月遡逃江河庶網罟之遠避
樂遐齡而靡他于是北鄉者縮頸伸咏蒼皇猶俄俄有
頭長而身廣者自號洞玄先生從而歌曰水之清濯我
纓水之濁濯我足不繫不維既安且樂噫誰能棄搏風
之鵬而羨乎薦郊之犢余迫而視三人者旁若無人厲
聲叱之勃率而走追之則皆化為青靈之龜矣

濟南張氏萬卷堂記

侯名烜
字彥明

濟南張侯哀輯所儲之書殆溢萬卷作巨堂妥之謂余

曰吾鄉者與吾書歸客喜而至省所未見愕然矚各
飛觴醕滿以自慶于時堂未構也今將落之子盍為之
記余曰書可儲也儲之多寡不必計也天地鬼神之變
化皇王帝伯之因革載于經著于史雜出于傳記百氏
之說質之而義理明稽之而事跡顯書雖多儲之可也
侯家子房得地上一編而羽翼炎漢四百年之業侯郡
人伏生口授纔二十餘篇亦為一代儒林之冠書果務
于多乎哉然臯夔稷契所讀何書顏氏庶幾乃不過心

齋之妙書雖無亦可也侯以中州雋傑匹馬來南贊幃
幄而辟境土象犀珠玉羅列弗睨一聞奇書不吝百金
必購之至如殘編斷簡亦蒐拾而不忍棄遡其用心豈
曰錦囊緗帙姑以夸多而鬪美者階庭蘭玉環列森峙
侯殆有感于遺籙之義矣此書之所以儲也然則處焉
而充棟宇出焉而汙馬牛侯詎厭於多乎哉不多也雖
然侯舊宅曲阜實吾聖人敏歆震夙之地木鐸雖熄杏
壇之蔭尚無恙也陳亢往矣亦嘗聞所以詔伯魚者乎

鄉黨一書其記聖人出入起居之際無非修齊平治之道此其傳遠其裕後蓋不特區區口耳之末下及子思子順更歷數世賢者相繼而生豈獨藏壁之書過庭之訓足以薰陶而沾漬之哉以侯儲書之富復求聖人所以傳遠裕後之本吾爵益高吾志益下吾官益大吾心益小吾祿益厚吾施益博兢兢然庶叔教之免怨惴惴然思晏子之納楹則侯之子孫升斯堂矣誦斯書也必有孝弟忠信者出以不負侯儲書之意書雖多可也不

多亦可也不然書簾之譏蠹魚之誚吾方為他日凜凜而奚記之為侯曰懿哉子之言也幸為吾記之吾將以警我後之若子若孫者而抑以自警也余曰記姑以是余聞濟岱之間雲山鬱紆源泉混混秦碑魯殿遺制宛然且名士彬彬相望余未老或可從公杖履登臨嘯詠因其餘暇取抽架書細讀之緝壤刊誤尚能不愧魯望若夫堂之規撫制度記之殆未晚也

夢牛亭記

貴池為池屬邑鄉曰舞鸞蘇君所以居也亭曰夢牛蘇君之所作也君既撤屋為亭侍御史程公大書而扁之寓孝思也君家世滁陽其先君子辟地江左卜築于茲生君之夕母夫人江氏夢繇巨麓扳援而升至于帝所皆黃金銀為城闕怪雲變氣蕭索輪囷千官萬靈繽紛宴娛鳴琴銷玉雅聲遠聆頰窺倒景意迷目眩方鰓鰓不自寧有羽士告之曰是天上非人世間也帝命賜爾牛以歸老叟導前縵樂擁後至所居叟辭去指牛曰善

視之當亢爾宗也覺而生君嶄然與衆兒異心甚奇之
君少長習聞其事感慨歎息壯而有立且筮仕而太夫
人不及養矣爰構斯亭思報罔極蒿莪之感風木之悲
于是馬寓是殆作亭之意也蒼蒼者天天固有帝也帝
果有所謂宮闕者耶亦果有所謂仙官羽士者耶瓊樓
玉宇金鋪鈿砌世率謂清都紫府有之茲果孰為之邪
周禮以日月星辰占訊六夢彼沈蹤下土倏然夢游九
垓之上而復賜之以牛因邪想邪夢玉燕而生張說夢

九鶴而生九齡古固有之彼夢牛之夢又何祥邪豈牛
固有功于世者邪是未可知也按天文牽牛六星為天
之關梁主犧牲之事星明則王道昌關梁無壅又其分
野會稽臨淮廣陵皆屬焉君雖生于池本其裔苗實淮
人也清淑之氣蜿蜒磅礴其亦有所自邪君龐厚傑特
軒軒襟宇雖生長于干戈勦中書不待學而能詩不
待吟而工持官將身具有法度真無忝爾所生者昔蔣
琬夜夢牛首趙直以為三公之象老叟之言太夫人之

夢得無驗于異時者耶是又未可知也余與君素昧游
杭從湯君子文識之因求記于余余謂湯君以詩章名
一世歌詠其事使鏗鏘于金石宜也余老矣學殖荒落
何足以信今而傳後然感其陟屺之思徵其名亭之義
斯亭也蓋大孝終身之慕而非事燕游便登眺比也其
可以無述乎君名志字明甫今為錢唐丞云

困學齋記

漁陽鮮于君以英才逸氣妙年為臺省所知已而佐宣

閻裨漕計幕謀檄筆翕然稱之階是而鉅官要職猶探
諸懷而取之也君慨然曰吾少弗克自力于學今且仕
懷空抱虛吾心慙焉于是投簪解紱卜宅錢塘之西葺
小齋扁曰困學寘書筭琴瑟其中古鼎彝環列左右暇
之日冠藤冠焚香端坐紉今繹古客或至躡屣拂席相
與劇談名理率移晷乃去世以此竒之亦以此疑之一
日具道所以徵記于余余曰君所謂仕而優則學者也
非困也吾夫子所謂困者以其資稟而言之也天命之

性聖凡不能以不同氣質之性知愚不能以不異苟非
下愚而不移皆可學以至道中庸曰或生而知之或學
而知之或困而知之及其知之一也此言學所以變化
氣質者也若君之氣質亦有待于變化者耶神情朗徹
籠蓋人上且弘麗博雅無所不通其作為歌詩若金春
玉應雅聲間作而祝敬之合止至如引筆行墨竒態橫
生如龍躍虎跳鵬搏風而鯤運海也君豈困者哉余嘗
聞之愚也柔也質之至困者也人一已百人十已千雖

愚而必明雖柔而必強此學之力也曰仁曰知曰信曰
直曰勇曰剛此天下至美之質也一不學焉為愚為蕩
為絞為賊為亂為狂此不學之過也困者固不可以不
學不困者尤不可以廢學吾夫子天縱之將聖猶曰我
非生而知之好古敏以求之夫子尚爾況他人乎君以
至美之質退然自處于困而學之之地君誠可與言道
者矣抑猶未也學然後知不足教然後知困知不足然
後能自反知困然後能自強此之謂困又非指其氣質

之偏蓋以其泛應酬酢之難也君今處隱就閒以是為學似亦足矣他時離世樂道之志不果以其正心修身者推而為治國平天下者任重而道遠君其可以學於今者而遂止乎是則知不足而自反學者之學也知困而自強教者之學也知自強則不困矣不困則可以教矣君其勉乎哉

鎮江路儒學成德堂記

京口學宮之設郡城可考也而成德有堂漫不知其所

始書于上棟則紹興間劉侯子羽創之開慶間徐侯棗
修之亦不知始何名也徵諸扁顏篆筆徑二尺旁著守
臣俞烈書按烈以嘉定改元出守茲土則成德之名或
昉乎是然亦未可知也規制簡朴不華不陋每旦望奠
謁畢冠珮憲憲揖讓而升師氏據臯比橫經析理正錄
師長諭陪講以序郡將暨文武官環坐竦聽已各趨出
蓋闡明義理之區而非游焉息焉之地也經始至今垂
百五十年迄未有記之者滋惑焉乃至元辛卯郡博士

昌君謨書具幣請記于余余曰堂作於前人而記成於後人或者得無誚乎君曰掠其締構之美則不可記其名堂之義以詔後學惡乎而不可且今參政廬山燕公按察副使濟南趙公亦嘗疑茲記之闕矣余謝不敏辭愈堅請愈力余于是拜手而言曰成德之義著于易者以德行言也見于孟氏之書者以資稟言也然上帝所降之衷生人所受之性窮古今越宇宙則一而已古之民其德日歸于厚今之民其德日趨于薄豈天賦之爾

殊哉其所以教者異也嘗試求之三代之學莫盛于周
由周以降莫備于宋周之制合以井牧聯以比閭教以
庠序道以師長維以諫議校考以德行道藝民生斯時
七年而入小學十有五而入大學所學者皆正道所習
者皆正人姦聲亂色不留于聰明淫辭詖行不蠱其心
術故其成德也易宋之制雖不逮夫周然自嵩陽廬阜
睢陽嶽麓立之師徒錫之經傳至慶厯以後郡邑無少
長皆詔許立學亦三代以還所未有也故雖科目取士

未能一如鄉舉里選之舊而得人之盛視漢晉隋唐或
者過之迺如周陳朱張十數君子續往聖既絕之學啓
來哲不傳之祕使堯舜禹湯文武周公孔子之道燦然
復興蓋三代之儒而非漢晉隋唐之所謂儒也今聖天
子以神武混一區夏車書萬驛雨露一天泚莪泮芹生
意續續鄉有鄉師邑有教諭郡有教授置提學以綱維
之命廉訪以勉勵之而又蠲其力役均其廩補立為歲
貢之法士生斯時亦云幸矣夫金甲排蕩青衿顙顙固

其所也冠進衣逢復不失為士之貴士之自貴宜何如
耶詞華易以喪志記問易以溺心權利易以倍誼淫哇
易以亂雅虛無易以害道皆吾黨所當深懲而力絕者
也充是四端行於五典由格物致知之功極而至于治
國平天下之大皆吾黨所當慎思而篤行者也明明而
嚶鄉鄉而飽不此之務卒無以自別于凡民此何為者
哉秉彝好德人所同也誰夙知而莫成亦教者之過也
方今學未如朏贅具然欲為人師者固無足與議君少

以明經炫譽由六館擢第奉常年高德卽職教是邦君
雖庠師道繫焉不庠也作新斯文陶成舊俗使人有士
君子之行以仰稱聖天子樂育之仁政君之責也君胡
得無情哉况邇來多士既釋然科舉之累而潤之為俗
朴而好禮文隱然泰伯季子之流風其為人易化其為
教易行是可與入德者也君又胡得無情哉君始至承
前人玩愒之餘士無慙祿疏稗勿瞻繼以淫潦田不過
歲君既搏浮剔蠹給其朝夕立小學禮者儒校文藝人

知嚮風迺飾殿堂迺門廡棟楹桶椳之腐橈者易之
蓋瓦汲甕之破礪者完之黝堊丹漆之漫漶彫剝者鮮
之井浚而列地闢而深亭墜而潔垣墉闌檻番閤庖湢
靡不畢整亦可謂才也已官雖庠以道自尊齒雖宿以
德自壯甚非俗儒所能也是皆可書也余故樂道其事
不復以固陋自解若夫肆成人有德小子有造以無負
昔人名堂之初意邦之人士其懋哉懋哉君名士氣宇
養浩宣之涇邑人

代重修大成殿記

潤有學自始迄今廢興不知其幾也宋太平興國中復建廟學南渡初廢為壘舍紹興丙辰燬于兵而大成殿之焚撤者過半矣戊午守臣程侯邁經緝之壬戌守臣劉侯子羽增創之越九十餘載嘉熙戊戌吳公潛以閩臣尹釐茲土始議繕修距今又三百三十有甲子矣風雨漂搖鴟鼠巢穴木腐瓦落不足以揭虔妥靈及至元己丑某謬以迂疎領茲學事至之日齋邀奠謁俯仰顧

瞻退而思之世之學孔氏者必斥佛老為異端今郡國
不過一孔廟耳而梵宇琳宮綦布天下兵燹後狹百堵
之側陋搜瓌材以究竒邃殿延閣連雲切漢丹雘金碧
炤爛崔嵬至與太紫儷美者不少也而吾夫子之廟像
設黝昧采飾彫剥右平左城將就毀頓吁可慨已吾夫
子祖述堯舜憲章文武與天地同其履載與日月並其
照臨王畿辟靡昭祀顯配自天子而下北面拜跪薦之
盥之其粢糒布列彼侯邦廟貌或崇或卑何足為吾夫

子損益然佛老之徒經營締構求所以尊事具師者不
懈益勤若此而吾徒乃坐視孔廟摧敗毀圯揆之私心
安乎否也至如斟酌歲計銖積寸累抑豈無什伯之貲
以佐土木之費玩漏忽敝藐然不加之意是豈學孔氏
而尊孔氏者哉某為此懼僂焉不能終日思搏浮費而
一新之歲且薦飢士腹弗果徵工僦功卒愆于素歲辛
卯僅獲一稔教養外薄有餘贏適際聖天子特頒詔旨
申崇儒教許以廩稍之入理廟庭贍衿佩有司勿問出

內某祇帥諸生踰望北闕拜舞稱萬歲壽乃白廉使乃告郡侯乃請於提學司議以克合鳩匠慮材俾正錄直學士董其務凡蓋瓦之破礪者完之級輒之陷缺者甃之棟梁桷椽之腐橈朽蠹者一切易之門窓闌檻必整必飾裛以蓼繪文以堊朱玄蔭眈眈渥彩暉暉比仲秋釋奠而神棲法庭煥然非復舊觀矣是役也為工若干縻錢若干米若干顧某黜焉暮齒弱于才劣于力何能以亢茲任欽惟汴莪樂育泮藻霑被翼翼孔廟得以完

舊而益新歸美報上雖百天保之詩不能模寫萬一某也幸這曠瘵行以善罷去何敢忘因述梗概以告于同志者若夫記其顛末使後之人嗣而葺之固嘗譔書贊幣請于紫陽方侯矣文至勒之堅珉未晚也

頤貞齋記

萬戶董侯即燕私之齋扁曰頤貞學士大夫相率為歌詩銘贊以美之者亡慮數十人皆鉅筆也而侯也復命余為之記余辭曰余所謂歟啓寡聞者也頤之為義何

足以知之雖然頤之彖曰頤貞吉養正則吉也侯之所
養余亦可得而聞乎侯以家傳帶礪笥襲簪裳年未艾
為天子出守南土他人必志得意滿而侯也其中退然
其言呐呐然何也武夫健將率美衣鮮服備日月龍鳳
之飾而侯也輕裘緩帶憲憲儒雅何也執繁弱操忘歸
凌厲遠阜馳騁田獵于侯宜也而侯也公退之暇焚香
默坐圖史經籍旁羅森列鑽印沈研若欲離世遣人而
立于獨者又何也陳二八食十萬觥船一棹笑談燕樂

將帥之常也而侯也方丈之食雖盛于賓筵吾食也則
執粗而不臧且爨無欲膏之隸抑又何也侯曰此吾所
以為頤貞者也吾焉知易余于是瞿然曰侯其可與語
易者矣易之頤聖人惟以慎言語節飲食垂萬世戒然
衣食所以養吾體遊觀所以養吾性侯兼慎之斯蓋內
外夾持動靜交養之至也侯其可與語易者矣抑吾聞
之頤者養也觀其自養所以成已也養賢以及萬民所
以成物也成已仁也成物知也一于正而已天地之間

品彙之衆非養則不生非生則不蕃非聖賢則無以生
無以蕃聖人所以財成天地之道輔相天地之宜以左
右民皆自頤貞者充之故曰頤之時義大矣哉侯忱能
深思頤貞之義益加慎節之功他時釋軍旅之事為天
子司牧蒸黎吾見其兼所愛兼所養無一民一物之不
愛亦無一民一物之不養也仁遠乎哉我欲仁斯仁至
矣頤之云乎豈曰自頤而已乎若夫厲民奉已拂經召
凶決性命之精而饗富貴始雖自養終乃自賊是皆易

之罪人也侯其戒之戒之侯曰諾侯名謙字受益世為
河間人云

佩韋齋集卷九